

548 Der schifman hôte, daz er ranc
mit sorge unt daz in minne twanc.
dô sprach er: »hêrre, ez ist hie reht,
ûfem plâne unt in dem fôreht
5 unt aldâ Clinschor hêrre ist.
zagheit noch manlîch list
gevüegentz anders niht wan sô:
hiute riwec, morgen vrô.
ez ist iu lîhte unbekant,
10 gar âventiure ist al ditze lant;
sus vert ez naht unt ouch den tac.
bî manheit sælde helfen mac.
Diu sunne kan sô nider stên;
hêrre, ir sult ze schiffe gên.«
15 des bat in der schifman.
Lischoysen vuorte Gawan
mit im dannen ûf den wâc.
gedultelîch ân allen bâc
man den helt des volgen sach.
20 der verje zôch daz ors hin nâch.
Sus vuoren si über an den stat.
der verje Gawanen bat:
»sît selbe wirt in mîme hûs.«
daz stuont alsô, daz Artus
25 ze Nantes, dâ er dicke saz,
niht mōhte hân gebûwet baz.
dâ vuort er Lischoysen in.
der wirt unt daz gesinde sîn
sich des underwunden.
30 an den selben stunden

unde dâ *T (ohne O)

vüegentz (vûgt ez I Fügtenz L) a. *G vüegent (Wegntz O) a. *T
h. trûren, morne vrô. *T (ohne O)

al om. *G *T

sus (sv T) wert ez *G *T · n. unde tac. *T (I L)

dannen mit im ûf den wâc. *T

der v. vuortez ors hin n. *G (nur GI)

n. dōrft hân *G *T

*D: D *m: m *G: G I L Z *T: T U V O

1 Initiale D m G L Z 9 Initiale O 11 Initiale I 13 Majuskel D T 21 Majuskel D T 28 Initiale V

7 gevüegentz] vüegenz *m 11 sus wert ez naht und tac. *m 26 mōhte] mohte D dōrft *m